

論語抄

論語抄

子曰、學而時習之、不亦說乎、有朋自遠方來、不亦樂乎、人不知而不愠、不亦君子乎、

有子曰、其爲人也孝弟而好犯上者鮮矣、不好犯上而好作亂者、未之有也、君子務本、本立而道生、孝弟也者、其爲仁之本與、

致道館藏版

論語抄

一

子曰、巧言令色、鮮矣仁、

曾子曰、吾日三省吾身、爲人謀而不忠乎、與朋友交而不信乎、傳不習乎、

子曰、弟子入則孝、出則弟、謹而信、汎愛衆而親仁、行有餘力、則以學文、

子夏曰、賢賢易色、事父母能竭其力、事君能致其身、與朋友交、言而有信、雖曰

未學、吾必謂之學矣、

子曰君子不重則不威學則不固主忠
信無友不如己者過則勿憚改
曾子曰慎終追遠民德歸厚矣
子曰父在觀其志父沒觀其行三年無
改於父之道可謂孝矣
有子曰禮之用和爲貴先王之道斯爲
美小大由之有所不行知和而和不以
禮節之亦不可行也

子曰君子食無求飽居無求安敏於事
而慎於言就有道而正焉可謂好學也
已

子曰吾十有五而志于學三十而立四
十而不惑五十而知天命六十而耳順
七十而從心所欲不踰矩
孟武伯問孝子曰父母唯其疾之憂
子游問孝子曰今之孝者是謂能養至

於犬馬皆能有養不敬何以別乎
子曰溫故而知新可以爲師矣
子貢問君子子曰先行其言而後從之
子曰君子周而不比小人比而不周
子曰學而不思則罔思而不學則殆
子曰由誨女知之乎知之爲知之不知
爲不知是知也
或謂孔子曰子奚不爲政子曰書云孝

乎惟孝友于兄弟施於有政是亦爲政
奚其爲爲政

子曰人而無信不知其可也大車無輓
小車無軌其何以行之哉

林放問禮之本子曰大哉問禮與其奢
也寧儉喪與其易也寧戚
祭如在祭神如神在子曰吾不與祭如
不祭

子曰居上不寬爲禮不敬臨喪不哀吾
何以觀之哉

子曰不仁者不可以久處約不可以長
處樂仁者安仁知者利仁

子曰惟仁者能好人能惡人

子曰富與貴是人之所欲也不以其道
得之不處也貧與賤是人之所惡也不
以其道得之不去也君子去仁惡乎成

致道館藏版

論語抄

四

名君子無終食之間違仁造次必於是
顛沛必於是

子曰朝聞道夕死可矣

子曰士志於道而恥惡衣惡食者未足
與議也

子曰君子之於天下也無適也無莫也
義之與比

子曰放於利而行多怨

子曰。不患無位。患所以立。不患莫己知。求爲可知也。
子曰。參乎。吾道一以貫之。曾子曰。唯。子出。門人問曰。何謂也。曾子曰。夫子之道。忠恕而已矣。

子曰。君子喻於義。小人喻於利。
子曰。見賢思齊焉。見不賢而內自省也。
子曰。事父母幾諫。見志不從。又敬不違。

致道館藏版

論語抄

五

勞而不怨。

子曰。父母之年。不可不知也。一則以喜。一則以懼。

子曰。以約失之者鮮矣。

子曰。君子欲訥於言而敏於行。

子曰。德不孤。必有鄰。

子路有聞。未之能行。唯恐有聞。

子曰。晏平仲。善與人交。久而敬之。

子曰。十室之邑。必有忠信如丘者焉。不
如丘之好學也。
哀公問。弟子孰爲好學。孔子對曰。有顏
回者好學。不遷。怒不貳。過不幸短命死
矣。今也則亾。未聞好學者也。
子謂仲弓曰。犁牛之子。騂且角。雖欲勿
用。山川其舍諸。
子曰。回也。其心三月不違仁。其餘則日

月至焉而已矣。
子曰。賢哉回也。一簞食。一瓢飲。在陋巷。
人不堪其憂。回也不改其樂。賢哉回也。
冉求曰。非不說子之道。力不足也。子曰。
力不足者。中道而廢。今女畫。
子曰。誰能出不由戶。何莫由斯道也。
子曰。質勝文則野。文勝質則史。文質彬
彬。然後君子。

子曰。人之生也直。罔之生也幸而免。
子曰。知之者不如好之者。好之者不如樂之者。

子曰。中人以上可以語上也。中人以下不可以語上也。

樊遲問。知子曰。務民之義。敬鬼神而遠之。可謂知矣。問仁。曰。仁者先難而後獲。可謂仁矣。

致道館藏版

論語抄

七

子曰。中庸之爲德也。其至矣乎。民鮮久矣。

子曰。述而不作。信而好古。竊比於我老彭。

子曰。默而識之。學而不厭。誨人不倦。何有於我哉。

子曰。德之不脩。學之不講。聞義不能從。不善不能改。是吾憂也。

子曰志於道據於德依於仁游於藝
子曰不憤不啓不悱不發舉一隅不以
三隅反則不復也
子謂顏淵曰用之則行舍之則藏惟我
與爾有是夫子路曰子行三軍則誰與
子曰暴虎馮河死而無悔者吾不與也
必也臨事而懼好謀而成者也
子曰富而可求也雖執鞭之士吾亦爲

致道館藏版

論語抄

八

之如不可求從吾所好
子曰飯蔬食飲水曲肱而枕之樂亦在
其中矣不義而富且貴於我如浮雲
葉公問孔子於子路子路不對子曰女
奚不曰其爲人也發憤忘食樂以忘憂
不知老之將至云爾
子曰我非生而知之者好古敏以求之
者也

子曰、三人行、必有我師焉。擇其善者而從之、其不善者而改之。

子曰、天生德於予、桓魋其如予何。

子以四教、文、行、忠、信。

子曰、蓋有不知而作之者、我無是也。多聞、擇其善者而從之、多見而識之、知之次也。

子曰、仁遠乎哉、我欲仁、斯仁至矣。

子曰、君子坦蕩蕩、小人長戚戚。

子曰、恭而無禮則勞、慎而無禮則蕙、勇而無禮則亂、直而無禮則絞。

曾子有疾、召門弟子曰、啓予足、啓予手、詩云、戰戰兢兢、如臨深淵、如履薄冰、而今而後、吾知免夫、小子。

曾子曰、士不可以不弘毅、任重而道遠、仁以為己任、不亦重乎、死而後已、不亦

遠乎。

子曰、好勇、疾貧、亂也。人而不仁、疾之已甚、亂也。

子曰、不在其位、不謀其政。

子曰、狂而不直、侗而不愿、慳慳而不信、吾不知之矣。

子曰、學如不及、猶恐失之。

子曰、大哉、堯之爲君也、巍巍乎、唯天爲

致道館藏版

論語抄

十

大、唯堯則之、蕩蕩乎、民無能名焉、巍巍乎、其有成功也、煥乎、其有文章。

子絕四、毋意、毋必、毋固、毋我。

子畏於匡、曰、文王既沒、文不在茲乎、天之將喪斯文也、後死者、不得與於斯文

也、天之未喪斯文也、匡人其如予何、顏淵喟然歎曰、仰之彌高、鑽之彌堅、瞻

之在前、忽焉在後、夫子循循然、善誘人、

博我以文約我以禮欲罷不能既竭吾才如有所立卓爾雖欲從之末由也已子在川上曰逝者如斯夫不舍晝夜子曰譬如爲山未成一簣止吾止也譬如平地雖覆一簣進吾往也子曰苗而不秀者有矣夫秀而不實者有矣夫

子曰法語之言能無從乎改之爲貴巽

致道館藏版

論語抄

十一

與之言能無說乎繹之爲貴說而不繹從而不改吾末如之何也已矣

子曰主忠信毋友不如己者過則勿憚

改

子曰衣敝緼袍與衣狐貉者立而不恥

者其由也與

子曰歲寒然後知松柏之後彫也

子曰知者不惑仁者不憂勇者不懼

子貢問師與商也孰賢子曰師也過商也
不及曰然則師愈與子曰過猶不及
顏淵問仁子曰克己復禮爲仁一日克
己復禮天下歸仁焉爲仁由己而由人
乎哉顏淵曰請問其目子曰非禮勿視
非禮勿聽非禮勿言非禮勿動顏淵曰
回雖不敏請事斯語矣
司馬牛問君子子曰君子不憂不懼曰

不憂不懼斯謂之君子已乎子曰內省
不疚夫何憂何懼

司馬牛憂曰人皆有兄弟我獨亡子夏
曰商聞之矣死生有命富貴在天君子
敬而無失與人恭而有禮四海之內皆
兄弟也君子何患乎無兄弟也
子曰聽訟吾猶人也必也使無訟乎
子張問政子曰居之無倦行之以忠

子曰。君子成人之美。不成人之惡。小人反是。

季康子問政於孔子。孔子對曰。政者正也。子帥以正。孰敢不正。子張問士何如。斯可謂之達矣。子曰。何哉。爾所謂達者。子張對曰。在邦必聞。在家必聞。子曰。是聞也。非達也。夫達也者。質直而好義。察言而觀色。慮以下人。在

邦必達。在家必達。夫聞也者。色取仁而行違。居之不疑。在邦必聞。在家必聞。樊遲從遊於舞雩之下。曰。敢問崇德脩慝。辨惑。子曰。善哉。問先事後得。非崇德與。攻其惡。無攻人之惡。非脩慝與。一朝之忿。忘其身。以及其親。非惑與。子貢問友。子曰。忠告而善道之。不可則止。毋自辱焉。

曾子曰。君子以文會友。以友輔仁。
子曰。其身正。不令而行。其身不正。雖令不從。

子謂衛公子荆。善居室。始有曰。苟合矣。小有曰。苟完矣。富有曰。苟美矣。

子曰。苟正其身矣。於從政乎。何有不能正其身。如正人何。

子夏爲莒父宰。問政。子曰。無欲速。無見

小利。欲速則不達。見小利則大事不成。樊遲問。仁。子曰。居處恭。執事敬。與人忠。雖之夷狄。不可棄也。

子曰。不得中行而與之。必也狂狷乎。狂者。進取。狷者。有所不爲也。

子曰。君子和而不同。小人同而不和。子貢問曰。鄉人皆好之。何如。子曰。未可也。鄉人皆惡之。何如。子曰。未可也。子曰。未可也。不如

鄉人之善者好之其不善者惡之
子曰君子易事而難說也說之不
以道不說也及其使人也器之小
人難事而易說也說之雖不以道
也求備焉

子曰有德者必有言有言者不
必有德仁者必有勇勇者不必
有仁子曰君子而不仁者有矣夫
未有小人

致道館藏版

論語抄

十五

而仁者也

子曰愛之能勿勞乎忠焉能
勿誨乎

子曰其言之不怍則爲之也
難

子曰君子上達小人下達

子曰君子恥其言而過其行

子貢方人子曰賜也賢乎哉夫
我則不

暇

子曰不患人之不己知患其
不能也

子曰。驥不稱其力。稱其德也。
子曰。莫我知也。夫子貢曰。何爲其莫知
子也。子曰。不怨天。不尤人。下學而上達。
知我者其天乎。
子路問。君子子曰。脩己以敬。曰。如斯而
已乎。曰。脩己以安人。曰。如斯而已乎。曰。
脩己以安百姓。脩己以安百姓。堯舜其
猶病諸。

子曰。賜也。女以予爲多學而識之者。與。
對曰。然。非與。曰。非也。予一以貫之。
子張問。行。子曰。言忠信。行篤敬。雖蠻貊
之邦。行矣。言不忠信。行不篤敬。雖州里
行乎哉。立則見其參於前也。在輿則見
其倚於衡也。夫然後行。子張書諸紳。
子曰。志士仁人。無求生以害仁。有殺身
以成仁。

子曰。人無遠慮。必有近憂。
子曰。躬自厚而薄責於人。則遠怨矣。
子曰。不曰如之何。如之何者。吾末如之何也已矣。

子曰。君子求諸己。小人求諸人。
子曰。君子不以言舉人。不以人廢言。
子貢問曰。有一言而可以終身行之者乎。子曰。其恕乎。己所不欲。勿施於人。

子曰。衆惡之。必察焉。衆好之。必察焉。

子曰。人能弘道。非道弘人。

子曰。過而不改。是謂過矣。

子曰。吾嘗終日不食。終夜不寢。以思無

益。不如學也。

子曰。當仁。不讓於師。

子曰。有教無類。

孔子曰。益者三友。損者三友。友直。友諒。

友多聞益矣。友便辟，友善柔，友便佞，損矣。
孔子曰：君子有三戒。少之時，血氣未定，戒之在色。及其壯也，血氣方剛，戒之在鬪。及其老也，血氣既衰，戒之在得。
孔子曰：君子有三畏。畏天命，畏大人，畏聖人之言。小人不知天命而不畏也，狎大人，侮聖人之言。

子曰：性相近也，習相遠也。子曰：唯上知與下愚不移。

子曰：由也女聞六言六蔽矣乎？對曰：未也。居吾語女：好仁不好學，其蔽也愚；好知不好學，其蔽也蕩；好信不好學，其蔽也賊；好直不好學，其蔽也絞；好勇不好學，其蔽也亂；好剛不好學，其蔽也狂。
子曰：鄉原，德之賊也。

子路曰、君子尚勇乎、子曰、君子義以爲上、君子有勇而無義、爲亂、小人有勇而無義、爲盜。

子張曰、士見危致命、見得思義、祭思敬、喪思哀、其可已矣。

子張曰、執德不弘、信道不篤、焉能爲有焉、能爲凶。

子夏曰、日知其所亡、月無忘其所能、可

致道館藏版

論語抄

十九

謂好學也已矣。

子夏曰、博學而篤志、切問而近思、仁在其中矣。

子夏曰、百工居肆以成其事、君子學以致其道。

子夏曰、小人之過也必文。

子夏曰、君子有三變、望之儼然、卽之也溫、聽其言也厲。

曾子曰。吾聞諸夫子。人未有自致者也。必也親喪乎。

子貢曰。君子之過也。如日月之食焉。過也。人皆見之。更也。人皆仰之。

叔孫武叔毀仲尼。子貢曰。無以爲也。仲尼不可毀也。他人之賢者。丘陵也。猶可踰也。仲尼。日月也。無得而踰焉。人雖欲自絕。其何傷於日月乎。多見其不知量也。

致道館藏版

論語抄

二十

子曰。不知命。無以爲君子也。不知禮。無以立也。不知言。無以知人也。

論語抄終

この冊子は 平成二十五年度
公益財団法人 鶴岡信用金庫学事体育振興基金
の助成により増刷したものです

平成二十五年十月

致道館文化振興会議